

18 августа 2026. Вторник. Предпразднство Преображения Господня. Мч. Евсигнія.

Утренняя (приходская)

Священник, начиная каждение у престола:

Благословен Бог наш, всегда, ныне и присно и во веки веков.

Чтец: Аминь. Слава Тебе, Боже наш, слава Тебе.

Царю небесный, Утешителю, Душе истины, Иже везде сый и вся исполняй, Сокровище благих и жизни Подателю: прииди и вселися в ны, и очисти ны от всякия скверны, и спаси, Блаже, души наша.

Святый Боже, Святый Крепкий, Святый Безсмертный, помилуй нас. **(трижды, с поклоны)**. Слава Отцу, и Сыну, и Святому Духу, и ныне и присно, и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй. **(трижды)**. Слава Отцу, и Сыну, и Святому Духу, и ныне и присно, и во веки веков. Аминь.

Отче наш, Иже еси на Небесех, да святится имя Твое, да придет Царствие Твое, да будет воля Твоя, яко на небеси, и на земли. Хлеб наш насущный даждь нам днесь, и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство, и сила, и слава, Отца, и Сына, и Святого Духа, ныне и присно, и во веки веков.

Аминь. Господи, помилуй. **(12)**

Слава Отцу, и Сыну, и Святому Духу, и ныне и присно, и во веки веков. Аминь.

Приидите, поклонимся Царю нашему Богу.

Приидите, поклонимся и припадём Христу, Царю нашему Богу.

Приидите, поклонимся и припадём Самому Христу, Царю и Богу нашему.

18 августа 2026. Вторник. Предпразднство Преображения Господня.
Мч. Евсигнія.

Чтец читает двупсалмие; в это время священник совершает полное каждение храма.

Псалом 19

Услышит тя Господь в день печали, защитит тя имя Бога Иаковля. Послет ти помощь от Святаго и от Сиона заступит тя. Помянет всяку жертву твою, и всесожжение твое точно буди. Даст ти Господь по сердцу твоему и весь совет твой исполнит. Возрадуемся о спасении твоём и во имя Господа Бога нашего возвеличимся. Исполнит Господь вся прошения твоя. Ныне познах, яко спасе Господь христа Своего, услышит его с Небесе Святаго Своего, в силах спасение десницы Его. Сии на колесницах и сии на конех, мы же во имя Господа Бога нашего призовём. Тии спяти быша и падоша, мы же востанем и исправимомся. Господи, спаси царя и услыши ны, воньже аще день призовём Тя.

Псалом 20

Господи, силою Твоею возвеселится царь и о спасении Твоём возрадуется зело. Желание сердца его дал еси ему, и хотения устну его неси лишии его. Яко предварил еси его благословением благостынным, положил еси на главе его венец от камене честна. Живота просил есть у Тебе, и дал еси ему долготу дний во век века. Велия слава его спасением Твоим, славу и велелепие возложиши на него. Яко даши ему благословение во век века, возвеселиши его радостью с лицем Твоим. Яко царь уповает на Господа, и милостию Вышняго не подвижится. Да обрящется рука Твоя всем врагом Твоим, десница Твоя да обрящет вся ненавидящая Тебе. Яко положиши их, яко печь огненную во время лица Твоего; Господь гневом Своим смятёт я, и снесет их огонь. Плод их от земли погубиши, и семя их от сынов человеческих. Яко уклониша на Тя злая, помыслиша советы, ихже не возмогут составить. Яко положиши я хребёт, во избытцах Твоих уготовиши лице их. Вознесися, Господи, силою Твоею, воспоём и поём силы Твоя.

Слава Отцу и Сыну и Святому Духу, и ныне и присно и во веки веков. Аминь.

Святой Боже, Святой Крепкий, Святой Безсмертный, помилуй нас *(трижды)*.

Слава Отцу и Сыну и Святому Духу, и ныне и присно и во веки веков. Аминь.

Пресвятая Троице, помилуй нас; Господи, очисти грехи наша; Владыко, прости беззакония наша; Святый, посети и исцели немощи наша, имене Твоего ради.

Господи, помилуй **(трижды)**.

Слава Отцу, и Сыну, и Святому Духу, и ныне, и присно, и во веки веков. Аминь.

Отче наш, Иже еси на Небесех! Да святится имя Твое, да придет Царствие Твое, да будет воля Твоя, яко на Небеси, и на земли. Хлеб наш насущный даждь нам днесь; и остави нам долги наша, якоже и мы оставляем должником нашим; и не введи нас во искушение, но избави нас от лукаваго.

Священник: Яко Твое есть Царство и сила, и слава, Отца, и Сына, и Святаго Духа, ныне и присно, и во веки веков.

Чтец: Аминь.

Чтец: Спаси, Господи, люди Твоя и благослови достояние Твое: победы на сопротивных даруя, и Твое сохраняя Крестом Твоим жительство.

Слава Отцу и Сыну и Святому Духу.

Вознесыйся на Крест волею, тезоименитому Твоему новому жительству щедроты Твоя даруй, Христе Боже; возвесели нас силою Твоею, победы дая нам на сопостаты, посobie имущим Твое оружие мира – непобедимую победу.

И ныне и присно и во веки веков. Аминь.

Предстательство страшное и непостыдное, не презри, Благая, молитв наших, Всепетая Богородице; утверди православных жительство, спаси верные люди Твоя и подаждь им с Небес победу; зане родила еси Бога, едина Благословенная.

Ектения сугубая

Священник: Помилуй нас, Боже, по велицей милости Твоей, молим Ти ся, услыши и помилуй.

Лик: Господи, помилуй **(трижды)**.

Священник: Еще молимся о Великом Господине и отце нашем, Святейшем Патриархе Кирилле, и о всей во Христе братии нашей.

Лик: Господи, помилуй **(трижды)**.

18 августа 2026. Вторник. Предпразднство Преображения Господня.
Мч. Евсигнія.

Священник: Ещё молимся о Богохранимем странё нашей, властех и воинстве ея, да тихое и безмолвное житиё поживём во всяком благочестии и чистотё.

Лик: Господи, помилуй *(трижды)*.

Священник: Ещё молимся за всю братию и за вся христианы.

Лик: Господи, помилуй *(трижды)*.

Священник: Яко Милостив и Человеколюбец Бог еси, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь. Именем Господним благослови, отче.

Священник: Слава Святей, и Единосущней, и Животворящей, и Нераздельней Троице всегда, ныне и присно и во веки веков.

Лик: Аминь.

Шестопсалмие

И начинаем шестопсалмие, слушая со всяким молчанием и умилением; читающий же брат с благоговением и страхом Божиим произносит:

Чтец: Слава в вышних Богу, и на земли мир, в человецех благоволение. *(Трижды)*

Господи, устне мои отверзеши, и уста моя возвестят хвалу Твою. *(Дважды)*

Псалом 3

Господи, что ся умножиша стужающие ми? Мнози востают на мя, мнози глаголют души моей: несть спасения ему в Боже его. Ты же, Господи, Заступник мой еси, слава моя и возносяй главу мою. Гласом моим ко Господу возвах, и услыша мя от горы святыя Своея. Аз уснух, и спях, востах, яко Господь заступит мя. Не убоюсь от тем людей, окрест нападающих на мя. Воскресни, Господи, спаси мя, Боже мой, яко Ты порази еси вся враждующия ми все: зубы грешников сокрушил еси. Господне есть спасение, и на людех Твоих благословение Твое.

Аз уснух и спях; востах, яко Господь заступит мя.

Псалом 37

Господи, да не яростию Твоею обличиши мене, ниже гневом Твоим накажеш мене. Яко стрелы Твоя унзоша во мне, и утвердил еси на мне руку Твою. Несть исцеления в плоти моей от лица гнева Твоего, несть мира в

костѣх моих от лица грех моих. Яко беззаконія моя превзыдоша главѹ мою, яко бремя тяжкое отяготѣша на мене. Возсмердѣша и согниша раны моя от лица безумія моего. Пострадѣх и слякохся до конца, весь день сетуя хождѣх. Яко лѣдвѣя моя наполнишася поруганий, и несть исцелѣнія в плоти моей. Озлоблен бых и смирихся до зела, рыках от воздыханія сердца моего. Господи, пред Тобою все желаніе мое и воздыханіе мое от Тебѣ не утайся. Сердце мое смятѣся, остави мя сила моя, и свет очию моею, и той несть со мною. Друзи мой и искреннии мой прямо мне приближишася и стѣша, и ближнии мой отдалече мене стѣша и нуждахуся ищущи душу мою, и ищущи злая мне глаголаху суетная и лстивым весь день поучахуся. Аз же яко глух не слышах и яко нем не отверзая уст своих. И бых яко человек не слышай и не имый во устѣх своих обличенія. Яко на Тя, Господи, уповах, Ты услышиши, Господи Боже мой. Яко рех: да не когда порадуют ми ся врази мой: и внегда подвижѣтисѣ ногам моим, намя велеречеваша. Яко аз на раны готов, и болѣзнь моя предо мною есть вѣну. Яко беззаконіе мое аз возвещу и попекуся о гресѣ моем. Врази же мой живут и укрепѣшася паче мене, и умножишася ненавидящии мя без правды. Воздающии ми злая возблагая оболгаху мя, зане гонях благостыню. Не остави мене, Господи Боже мой, не отступи от мене. Вонми в помощь мою, Господи спасенія моего.

Не остави мене, Господи Боже мой, не отступи от мене. Вонми в помощь мою, Господи спасенія моего.

Псалом 62

Боже, Боже мой, к Тебѣ утреннюю, возжада Тебѣ душа моя, коль множицею Тебѣ плоть моя, в земли пусте и непроходне, и безводне. Тако во святем явѣхся Тебѣ, видети силу Твою и славу Твою. Яко лучши милость Твоя паче живот, устне мои похвалите Тя. Тако благословлю Тя в животѣ моем, о имени Твоем воздежу рѹце мои. Яко от тука и масти да исполнится душа моя, и устнама радости восхвалят Тя уста моя. Аще поминах Тя на постѣли моей, на утренних поучахся в Тя. Яко был еси помощник мой, и в крове крилу Твоею возрадуюся. Прильпе душа моя по Тебѣ, мене же прият десница Твоя. Тии же все исказа душу мою, внидут в преисподняя земли, предадутся в руки оружія, части лѣсовом будут. Царь же возвеселится о Бозе, похвалится всяк кленыйся Им, яко заградѣшася уста глаголющих неправедная.

На утренних поучахся в Тя, яко был еси Помощник мой, и в крове крилу Твоею возрадуюся.

Прильпе душа моя по Тебѣ, мене же прият десница Твоя.

Сла́ва Отцѹ, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Аллилу́ия, аллилу́ия, аллилу́ия, сла́ва Тебе́, Бо́же. *(Трижды, без поклонов)*

Господи помилуй *(трижды)*.

Сла́ва Отцѹ, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Псалом 87

Го́споди Бо́же спасе́ния моего́, во дни воззва́х, и в но́щи пред Тобо́ю. Да вни́дет пред Тя моли́тва моя́: приклони́ у́хо Твое́ к моле́нию моему́, я́ко испо́лнися зол ду́ша моя́, и живо́т мой аду прибли́жися. Привмене́н бых с низходя́щими в ров, бых я́ко челове́к без по́мощи, в ме́ртвых свобо́дь, я́ко язвенни́и спя́щии во гробе́, ихже не помяну́л еси́ ктому́, и ти́и от руки́ Твоея́ отрино́вѣни бы́ша. Положи́ша мя в ро́ве преиспо́днем, в те́мных и сѣни сме́ртней. На мне утверди́ся я́рость Твоя́, и вся во́лны Твоя́ навѣл еси́ на мя. Уда́лил еси́ зна́емых мои́х от мене́, положи́ша мя ме́рзость себѣ́: пре́дан бых и не исхожда́х. О́чи мои́ изнемо́госте от нищеты́, воззва́х к Тебе́, Го́споди, весь день, возде́х к Тебе́ ру́це мои́. Еда́ ме́ртвыми твори́ши чуде́са? Или́ вра́чеве воскреся́т, и испове́дятся Тебе́? Еда́ пове́сть кто во гробе́ ми́лость Твою́, и и́стину Твою́ в по́гибели? Еда́ познана́ бу́дут во тьме чуде́са Твоя́, и пра́вда Твоя́ в землі забвѣнной? И аз к Тебе́, Го́споди, воззва́х и утро́ моли́тва моя́ предва́рит Тя. Вскую́, Го́споди, отрѣеши ду́шу мою́, отвраща́еши лице́ Твое́ от мене́? Нищ есмь аз, и в труде́х от ю́ности моея́; возне́с же ся, смири́хся, и изнемо́гох. На мне преидо́ша гне́ви Твои́, устраше́ния Твоя́ возмути́ша мя, обыдо́ша мя я́ко вода́, весь день одержа́ша мя вку́пе. Уда́лил еси́ от мене́ дру́га и и́скренняго, и зна́емых мои́х от страсте́й.

Го́споди Бо́же спасе́ния моего́, во дни воззва́х и в но́щи пред Тобо́ю. Да вни́дет пред Тя моли́тва моя́, приклони́ у́хо Твое́ к моле́нию моему́.

Псалом 102

Благослови́, ду́ше моя́, Го́спода, и вся вну́тренняя моя́ и́мя свято́е Его́. Благослови́, ду́ше моя́, Го́спода, и не забыва́й всех воздая́ний Его́, очища́ющего вся беззако́ния тво́я, исцеля́ющего вся неду́ги тво́я, избавля́ющего от истре́ния живо́т твой, венча́ющего тя ми́лостью и щедро́тами, исполня́ющего во благо́их желе́ние твоѐ: обнові́тся я́ко о́рля ю́ность тво́я. Твори́й ми́лостыни Госпо́дь, и судьбу́ всем оби́димым. Ска́за пути́ Сво́я Моисе́о-

ви, сыновом Израилевым хотения Своя: щедр и милостив Господь, долготерпелив и многомилостив. Не до конца прогневается, ниже во век враждует, не по беззаконию нашим сотворил есть нам, ниже по грехом нашим воздал есть нам. Яко по высоте небесней от земли, утвердил есть Господь милость Свою на боящихся Его. Елико отстоят восточцы от запад, удалил есть от нас беззакония наша. Якоже щедрит отец сыны, ущедри Господь боящихся Его. Яко Той позна создание наше, помяну, яко персть есмь. Человек, яко трава дние его, яко цвет сельный, тако оцветет, яко дух пройде в нем, и не будет, и не познает ктому места своего. Милость же Господня от века и до века на боящихся Его, и правда Его на сынех сынов, хранящих завет Его, и помнящих заповеди Его творити я. Господь на небеси уготова престол Свой, и Царство Его всеми обладает. Благословите Господа вси Ангели Его, сильнии крепостию, творящии слово Его, услышати глас словес Его. Благословите Господа вся силы Его, слуги Его, творящии волю Его. Благословите Господа вся дела Его, на всяком месте владычества Его, благослови, душе моя, Господа.

На всяком месте владычества Его, благослови, душе моя, Господа.

Псалом 142

Господи, услыши молитву мою, внуши моление мое во истине Твоей, услыши мя в правде Твоей и не вниди в суд с рабом Твоим, яко не оправдится пред Тобою всяк живый. Яко погна враг душу мою, смирил есть в землю живот мой, посадил мя есть в темных, яко мертвые века. И уни во мне дух мой, во мне смятеся сердце мое. Помянух дни древния, поучихся во всех делах Твоих, в творениях руку Твоею поучахся. Воздох к Тебе руке мой, душа моя, яко земля безводная Тебе. Скоро услыши мя, Господи, исчезе дух мой, не отврати лица Твоего от мене, и уподоблюся низходящим в ров. Слышану сотвори мне завтра милость Твою, яко на Тя уповах. Скажи мне, Господи, путь воныже пойду, яко к Тебе взял душу мою. Изми мя от враг моих, Господи, к Тебе прибегах. Научи мя творити волю Твою, яко Ты еси Бог мой. Дух Твой благий наставит мя на землю праву. Имене Твоего ради, Господи, живиши мя, правдою Твоею изведеши от печали душу мою. И милостию Твоею потребиши враги моя и погубиши вся стужающыя души моей, яко аз раб Твой есмь.

Услыши мя, Господи, в правде Твоей, и не вниди в суд с рабом Твоим.

Услыши мя, Господи, в правде Твоей, и не вниди в суд с рабом Твоим.

Дух Твой Благий наставит мя на землю праву.

18 августа 2026. Вторник. Предпразднство Преображения Господня.
Мч. Евсигнія.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в.
Ами́нь.

Аллилу́ия, аллилу́ия, аллилу́ия, сла́ва Тебе́, Бо́же. *(Трижды)*

Ектения великая

Диакон: Ми́ром Го́споду помо́лимся.

Лик: Го́споди, помілуй. *(на каждое прошение)*

Диакон: Заступи́, спаси́, помілуй и сохрани́ нас, Бо́же, Твое́ю благода́тию.

Лик: Го́споди, помілуй.

Диакон: Пресвяту́ю, Пречи́стую, Преблагослове́нную, Сла́вную Влады́чицу на́шу Богоро́дицу и Присноде́ву Марию́ со все́ми святы́ми помяну́вше, са́ми себе́ и друг дру́га, и весь живо́т наш Христу́ Бо́гу преда́дим.

Лик: Тебе́, Го́споди.

Священник: Яко́ подоба́ет Тебе́ вся́кая сла́ва, честь и поклонё́ние, Отцу́, и Сы́ну, и Свято́му Ду́ху, ны́не и прісно, и во ве́ки веко́в.

Лик: Ами́нь.

«Бог Господь»

Диакон: Бог Госпо́дь, и яви́ся нам, благослове́н Гряды́й во имя Госпо́дне.

Стих 1: Испове́дайтесь Го́сподеви, я́ко Благ, я́ко в век ми́лость Его́.

Глас 4: Бог Госпо́дь, и яви́ся нам, благослове́н Гряды́й во
и́мя Госпо́дне.

Стих 2: Обыше́дше обыдо́ша мя, и и́менем Госпо́дним противля́хся им.

Лик: Бог Госпо́дь, и яви́ся нам, благослове́н Гряды́й во и́мя
Госпо́дне.

Стих 3: Не умру́, но жив бу́ду, и пове́м дела́ Госпо́дня.

Лик: Бог Госпо́дь, и яви́ся нам, благослове́н Гряды́й во и́мя
Госпо́дне.

Стих 4: Ка́мень, Его́же небрего́ша зи́ждущии, Сей бысть во главу́ угла, от
Го́спода бысть Сей, и есть ди́вен во очесе́х на́ших.

Лик: Бог Господь, и явися нам, благословен Грядый во имя Господне.

Тропари

Тропарь предпразднства Преображения

Глас 4: Христово преображение предусрящем,/ светло торжествующе предпразднственная, вернии, и возопийм:/ приспе день Божественного веселия:/ восходит на гору Фаворскую Владыка, // Божества Своего облистати красоту.

(Дважды)

Слава Отцу, и Сыну, и Святому Духу, и ныне, и присно, и во веки веков. Аминь.

Тропарь предпразднства Преображения

Глас 4: Христово преображение предусрящем,/ светло торжествующе предпразднственная, вернии, и возопийм:/ приспе день Божественного веселия:/ восходит на гору Фаворскую Владыка, // Божества Своего облистати красоту.

Лик: Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Кафизма 7

Псалом 46

Вси языцы воспещите руками, воскликните Богу гласом радования. Яко Господь Вышний страшен, Царь велий по всей земли. Покори люди нам и языки под ноги наша: избра нам достояние Свое, доброту Иаковлю, юже возлюбил. Взыде Бог в воскликновении, Господь во гласе трубы. Пойте Богу нашему, пойте, пойте Царю нашему, пойте. Яко Царь всея земли Бог, пойте разумно. Воцарися Бог над языки, Бог седит на престоле свя-

тём Своём. Князи людстии собрашася с Богом Авраамлим. Яко Божии державнии земли зело вознесошася.

Чтец: Слава Отцу и Сыну и Святому Духу.

Лик: И ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 51

Что хвалишиися во злобе, силне? Беззаконие весь день. Неправду умысли язык твой, яко бритву изощрену сотворил еси леств. Возлюбил еси злобу паче благостыни, неправду неже глаголати правду. Возлюбил еси вся глаголы потопныя, язык льстив. Сего ради Бог разрушит тя до конца, восторгнет тя, и преселит тя от селения твоего и корень твой от земли живых. Узрят праведнии и убоятся, и о нем возсмеются и рекут: се человек, иже не положи Бога помощника себе, но упова на множество богатства своего, и возможе суетою своею. Аз же яко маслина плодови́та в дому Божии, уповах на милость Божию во век и в век века. Испове́мся Тебе во век, яко сотворил еси, и терплю́ имя Твое, яко благо пред преподобными Твоими.

Чтец: Слава Отцу и Сыну и Святому Духу.

Лик: И ныне и присно, и во веки веков. Аминь. Аллилуиа, аллилуиа, аллилуиа, слава Тебе Боже. **(Трижды)** Господи, помилуй. **(Трижды)** Слава Отцу и Сыну и Святому Духу.

Чтец: И ныне и присно, и во веки веков. Аминь.

Псалом 52

Рече безумен в сердце своём: несть Бог, растлеша и омерзѣшася в беззаконіих, несть творѣй благое. Бог с небесе́ приниче на сыны человеческия, видети, аще есть разумева́яй или́ взыска́яй Бога? Все уклони́шася, вку́пе непотребни бы́ша, несть творѣй благое, несть до еди́наго. Ни ли уразуме́ют все де́лающи беззаконіе, снedáющи лю́ди моя́ в снeдь хлѣба, Господа не призв́аша. Тамо устраши́шася стра́ха, иде́же не бе страх, яко Бог разсы́па ко́сти человекоу́годников: постыде́шася, яко Бог уничи́жи их. Кто даст от Сио́на спасе́ние Изра́илево? Внегда́ возврати́т Бог плене́ние люде́й Свои́х, возра́дуется Иа́ков и возвесели́тся Изра́иль.

18 августа 2026. Вторник. Предпразднство Преображения Господня.
Мч. Евсигнія.

Чтец: Сла́ва Отцѹ и Сы́ну и Свято́му Ду́ху, и ны́не и прісно, и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же. **(Трижды)**

Ектения малая

Диакон: Па́ки и па́ки, міром Го́споду помо́лимся.

Лик: Го́споди, поми́луй.

Диакон: Заступи́, спаси́, поми́луй и сохрани́ нас, Бо́же, Твое́ю благода́тию.

Лик: Го́споди, поми́луй.

Диакон: Пресвяту́ю, Пречи́стую, Преблагослове́нную, Сла́вную Влады́чицу на́шу Богоро́дицу и Присноде́ву Марию́ со все́ми святы́ми помяну́вше, са́ми себѣ и друг дру́га, и весь живо́т наш Христу́ Бо́гу предади́м.

Лик: Тебе́, Го́споди.

Священник: Я́ко Твоя́ держа́ва, и Твое́ есть ца́рство, и си́ла, и сла́ва, Отца́ и Сы́на и Свята́го Ду́ха, ны́не, и прісно, и во ве́ки веко́в.

Лик: Ами́нь.

Седален по 1-ом стихословии

Пра́здник пресве́тел Влады́чень при́де,/ прииді́те вси, на го́ру, ўмно предочи́стившеся, взы́дем Фаво́рскую,/ Христа́ ви́дети.

Сла́ва Отцѹ, и Сы́ну, и Свято́му Ду́ху, и ны́не, и прісно, и во ве́ки веко́в. Ами́нь.

Пра́здник пресве́тел Влады́чень при́де,/ прииді́те вси, на го́ру, ўмно предочи́стившеся, взы́дем Фаво́рскую,/ Христа́ ви́дети.

Лик: Го́споди, поми́луй. **(Трижды)** Сла́ва Отцѹ и Сы́ну и Свято́му Ду́ху.

Чтец: И ны́не и прісно, и во ве́ки веко́в. Ами́нь.

Кафизма 8

Псалом 56

Помілуй мя, Бо́же, поми́луй мя, я́ко на Тя упова́ душа́ моя́, и на сень крилу́ Твое́ю наде́юся, до́ндеже пре́йдет беззако́ние. Воззову́ к Бо́гу Вы́шнему, Бо́гу, благоде́явшему мне. Посла́ с небесе́ и спасе́ мя, даде́ в поноше́ние попира́ющыя мя, посла́ Бог ми́лость Свою́ и істи́ну Свою́, и

избáви дýшу мою́ от среды́ скíмнов. Поспáх смущён, сынове челове́чести, зýбы их ору́жия и стрéлы, и язы́к их меч остр. Вознесíся на небеса́, Бо́же, и по всей земли́ сла́ва Твоя́. Сеть угото́ваша ногáм моим и сляко́ша дýшу мою́, ископа́ша пред лицём моим я́му и впадо́ша в ню. Гото́во се́рдце моё, Бо́же, гото́во се́рдце моё, воспою́ и пою́ во сла́ве моёй. Воста́ни сла́ва моя́, воста́ни псалти́рю и гýсли, воста́ну ра́но. Испове́мся Тебе́ в лю́дех, Го́споди, воспою́ Тебе́ во язы́цех, я́ко возвели́чися до небёс мíлость Твоя́, и да́же до о́блак и́стина Твоя́. Вознесíся на небеса́, Бо́же, и по всей земли́ сла́ва Твоя́.

Чтец: Сла́ва Отцу́ и Сы́ну и Свято́му Дýху.

Лик: И ны́не и прíсно, и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же. **(Трижды)** Го́споди, помíлуй. **(Трижды)** Сла́ва Отцу́ и Сы́ну и Свято́му Дýху.

Чтец: И ны́не и прíсно, и во ве́ки веко́в. Ами́нь.

Псалом 60

Услы́ши, Бо́же, моле́ние моё, вонми́ моли́тве моёй. От коне́ц земли́ к Тебе́ воззва́х, внегда́ уны́ се́рдце моё, на ка́мень возне́сл мя еси́, наста́вил мя еси́. Я́ко был еси́ упова́ние моё, столп крéпости от лица́ вра́жия. Вселю́ся в селéнии Твоём во ве́ки, покрýюся в кро́ве крил Твоих. Я́ко Ты, Бо́же, услы́шал еси́ моли́твы моя́, дал еси́ достоя́ние боя́щимся и́мене Твоего́. Дни на дни царéвы приложи́ши, ле́та его́ до дне ро́да и ро́да. Пребу́дет в век пред Бо́гом, мíлость и и́стину Его́ кто взы́щет? Та́ко воспою́ и́мени Твоему́ во ве́ки, возда́ти ми моли́твы моя́ день от дне.

Чтец: Сла́ва Отцу́ и Сы́ну и Свято́му Дýху.

Лик: И ны́не и прíсно, и во ве́ки веко́в. Ами́нь. Аллилу́иа, аллилу́иа, аллилу́иа, сла́ва Тебе́ Бо́же. **(Трижды)** Го́споди, помíлуй. **(Трижды)** Сла́ва Отцу́ и Сы́ну и Свято́му Дýху.

Чтец: И ны́не и прíсно, и во ве́ки веко́в. Ами́нь.

Псалом 63

Услы́ши, Бо́же, глас мой, внегда́ моли́ти ми ся к Тебе́, от стра́ха вра́жия изми́ дýшу мою́. Покрýй мя от со́нма лука́внующих, от мно́жества де́лающих непра́вду. И́же изостри́ша, я́ко мечь, язы́ки своя́, напруго́ша лук свой, вещь го́рьку, состреля́ти в та́йных непоро́чна, внеза́пу состреля́ют его́ и не убоя́тся. Утверди́ша себе́ сло́во лука́вое, пове́даша скрýти

сеть, рѣша: кто ўзрит их? Испыташа беззаконіе, исчезоша испытующии испытанія, пристѹпит человек, и сердце глубоко, и вознесѣтся Бог. Стрѣлы младенец бѣша язвы их, и изнемогоша на ня язѹцы их. Смутѣшася вси видѣщии их, и убоѣся всяк человек, и возвестиша дела Божія, и творенія Его разумѣша. Возвеселѣтся праведник о Господе и уповѣет на Него, и похвалятся вси правии сердцем.

Чтец: Слава Отцѹ и Сыну и Святому Дѹху, и ныне и присно, и во веки веков. Аминь. Аллилуиа, аллилуиа, аллилуиа, слава Тебѣ Боже. **(Трижды)**

Ектения малая

Диакон: Паки и паки, міром Господу помолѣмся.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатию.

Лик: Господи, помилуй.

Диакон: Пресвятѹю, Пречистѹю, Преблагословеннѹю, Славнѹю Владычицу нашу Богородицу и Приснодѣву Марію со всеми святыми помянуvше, сами себѣ и друг друга, и весь живот наш Христу Богу предадим.

Лик: Тебѣ, Господи.

Священник: Яко Твоя держава, и Твое есть царство, и сила, и слава, Отца и Сына и Святаго Дѹха, ныне, и присно, и во веки веков.

Лик: Аминь.

Седален по 2-ом стихословии

Предпразднства день, вернии, днесъ/ свѣтло славнаго и страшнаго преображенія Христова совершающе, согласно возопиѣм:/ смешѣние наше преобразѣи, Спасе, Божественною Твоею плотию сооблистав томѹ,/ и отдаждь первѣйшее достояніе нетлѣнія, яко Милосерд,/ да Тя вси славословим, единаго Бога нашего.

Слава Отцѹ, и Сыну, и Святому Дѹху, и ныне, и присно, и во веки веков. Аминь.

Предпразднства день, вернии, днесъ/ свѣтло славнаго и страшнаго преображенія Христова совершающе, согласно возопиѣм:/ смешѣние наше преобразѣи, Спасе, Божественною Твоею плотию сооблистав томѹ,/ и отдаждь первѣйшее достояніе нетлѣнія, яко Милосерд,/ да Тя вси славословим, единаго Бога нашего.

Лик: Гóсподи, помíлуй. **(Трижды)** Сла́ва Отцú и Сы́ну и Свято́му Дúху.

Чтец: И ны́не и прíсно, и во ве́ки веко́в. Ами́нь.

Псалом 50

Помíлуй мя, Бо́же, по вели́цей мíлости Твое́й, и по мно́жеству щедро́т Твои́х очíсти беззакóние моё. Наипáче омýй мя от беззакóния моего́, и от греха́ моего́ очíсти мя. Я́ко беззакóние моё аз зна́ю и грех мой предо мно́ю есть вýну. Тебе́ Еди́ному согреших, и лука́вое пред Тобо́ю сотвори́х, я́ко да оправди́шия во словеса́х Твои́х и победи́ши, внегда́ суди́ти Ти. Се бо в беззакóниих зача́т есмь, и во гресéх роди́ мя ма́ти моя́. Се бо и́стину возлюбíл еси́, безвéстная и та́йная премúдрости Твоея́ яви́л ми еси́. Окропи́ши мя иссо́пом, и очíщуся, омýеши мя, и па́че сне́га убелю́ся. Слу́ху моему́ да́си ра́дость и весéлие, возра́дуются ко́сти смире́нныя. Отврати́ лице́ Твое́ от грех мои́х, и вся беззакóния моя́ очíсти. Сёрдце чíсто сози́жди во мне, Бо́же, и дух прав обнови́ во утро́бе мое́й. Не отвержи мене́ от лица́ Твоего́, и Дúха Твоего́ Свята́го не отыми́ от мене́. Возда́ждь ми ра́дость спасéния Твоего́, и Дúхом Влады́чним утверди́ мя. Научú беззакóнныя путе́м Твои́м, и нечестíвии к Тебе́ обратят́ся. Изба́ви мя от крове́й, Бо́же, Бо́же спасéния моего́, возра́дуется язы́к мой правде́ Твое́й. Гóсподи, устне́ мои́ отверзеши, и уста́ моя́ возвестят хвалу́ Твою́. Я́ко а́ще бы восхотéл еси́ жéртвы, дал бых úбо, всесо́жжения не благоволи́ши. Жéртва Бо́гу дух сокруше́н, сёрдце сокруше́нно и смире́нно Бог не уничи́жит. Ублажи́, Гóсподи, благово́лением Твои́м Си́она, и да сози́ждутся стéны Иерусали́мския. Тогда́ благоволи́ши жéртву правды́, возноше́ние и всесо́жегаемая: тогда́ возложат на олта́рь Твой тельцы́.

Канон

Песнь 1

Кано́н предпра́зднства Преображе́ния. Глас 4.

Ирмос, глас 4: Отве́рзу уста́ моя́,/ и напо́лнятся Дúха,/ и сло́во отры́гну Цари́це Ма́тери,/ и явлю́ся, све́тло торжествúя,// и воспою́, ра́дуясь, То́я чудеса́.

Припев: Сла́ва Тебе́, Бо́же на́ш, сла́ва Тебе́.

18 августа 2026. Вторник. Предпразднство Преображения Господня.
Мч. Евсигнія.

Да облистáет дóле свет нéбо пáче сóлнца,/ и землѧ да слýшит глагóлы Живáго Бóга, сыновствó преобразýемаго:/ Отéц бо свидéтельствует на горé Фавóрстей.

Припев: Сла́ва Тебé, Бóже нáш, сла́ва Тебé.

Человéк зрѣмый, но Бог крýемый,/ на Фавóр Христóс восхóдит, Божества́ зарю́ обнажáя,/ éже пáче сóлнца, сла́вы светлосты́м.

Припев: Сла́ва Тебé, Бóже нáш, сла́ва Тебé.

Сей предпразднственнѣй день совершáюще, вѣрнии,/ преображéния Христá, Избáвителя нáшего,/ восплéщим пéсньми.

Припев: Сла́ва Тебé, Бóже нáш, сла́ва Тебé.

Вход постѣгши свѧтáго преображéния Христóва,/ и мы облистáемся Божéственными изменéнии, сиé облобызáюще.

Канóн мýченика Евсигнѣя. Глас 8.

Припев: Свѧтѣй мýчениче Евсигнѣе, моли́ Бóга о нáс.

С преслáвными чѣнми áнгельскими, преслáвне, сый,/ непрестáнно пá-мѧть твою́ слáвѧщия спасáй.

Припев: Свѧтѣй мýчениче Евсигнѣе, моли́ Бóга о нáс.

Храм Утéшителев освящéнный твой ум, страсотéрпче, показáся,/ сего́ рá-ди ты вéрою почитáем.

Сла́ва Отцý, и Сы́ну, и Свѧтóму Дýху, и ны́не, и прѣсно, и во вéки веко́в. Ами́нь.

Песнь 3

Канóн предпразднства Преображéния. Глас 4.

Ирмос, глас 4: Твоя́ песнослóвцы, Богорóдице,/ Живѣй и Незавѣстнѣй Источниче,/ лик себé совокúпльшия, духóвно утверди́,/ в Божéственной Твое́й сла́ве// венцéв сла́вы сподóби.

Припев: Сла́ва Тебé, Бóже нáш, сла́ва Тебé.

Владѣчествуяй твáрию всею, вѣден бысть, зрак раба́ приéм,/ ѣмже Божества́ непристúпное сия́ние ученико́м показáл есть,/ я́коже вмещáху зрéти.

Припев: Сла́ва Тебé, Бóже нáш, сла́ва Тебé.

18 августа 2026. Вторник. Предпразднство Преображения Господня.
Мч. Евсигнія.

На гóру íдет облистáти слáвы Сóлнце, Христóс,/ и свѣше сияющую ден-
нѣцу омрачѣти свѣтом,/ Егóже зарѣми сияюще, предпразднуим днесь.

Припев: Сла́ва Тебе́, Бо́же на́ш, сла́ва Тебе́.

Животá вѣчнаго исполня́я глаго́лы, предста́ Христóс,/ показу́я в Себе́ ве-
щи друго́м разумѣти, я́коже благоволи́,/ О́тческую сла́ву блиста́ющую.

Кано́н му́ченика Евсигні́я. Глас 8.

Припев: Святы́й му́чениче Евсигні́е, моли́ Бо́га о на́с.

Стал еси́ пред суди́щем, испове́дуя Бо́га Царя́, му́чениче му́дре,/ плоть
взѣмшаго, и челове́ки назда́вшаго.

Припев: Святы́й му́чениче Евсигні́е, моли́ Бо́га о на́с.

Жѣртва непоро́чна, всесожже́на у́гльми му́ченическими,/ íже от Дѣвы при-
несѣся У́глю.

Сла́ва Отцú, и Сы́ну, и Свято́му Ду́ху, и ны́не, и прѣсно, и во ве́ки веко́в.
Ами́нь.

Катавасия

Ирмос, глас 8: Ты еси́ утвержде́ние/ притека́ющих к Тебе́,
Го́споди,/ Ты еси́ Свет омраче́нных,// и поёт Тя дух мой.

Ектения малая

Диакон: Па́ки и па́ки, ми́ром Го́споду помо́лимся.

Лик: Го́споди, поми́луй.

Диакон: Заступи́, спаси́, поми́луй и сохрани́ нас, Бо́же, Твое́ю благода́тию.

Лик: Го́споди, поми́луй.

Диакон: Пресвяту́ю, Пречи́стую, Преблагослове́нную, Сла́вную Влады́чицу на́-
шу Богоро́дицу и Присноде́ву Марию́ со все́ми святы́ми помяну́вше, са́ми себѣ
и друг дру́га, и весь живо́т наш Христú Бо́гу преда́дим.

Лик: Тебе́, Го́споди.

Священник: Я́ко Твоя́ держа́ва, и Твое́ есть ца́рство, и си́ла, и сла́ва, Отца́ и
Сы́на и Свята́го Ду́ха, ны́не, и прѣсно, и во ве́ки веко́в.

Лик: Ами́нь.

Седален

18 августа 2026. Вторник. Предпразднство Преображения Господня.
Мч. Евсигнія.

Мученика Евсигнія похва́лим,/ яко всю упразднѣвшаго лєсть сілоу Христóвою и вѣру уяснѣвшаго:/ претерпѣ бо муки поистинне, и обличї мучителей суровствó все,/ и венѣц побѣды десницею Бóжиею приѣт.

Слáва Отцú, и Сыну, и Свято́му Дúху и ны́не, и прїсно, и во вѣки веко́в. Амѣнь.

Готóвися ны́не, Фавóре, се бо грядѣт Христóс,/ Божества́ зарю́ пáче умá показáти на тебѣ слáвным ученико́м, якоже можа́ху./ Или́я и Моисѣ́й стра́хом предсто́яста, о́блак же Свѣта осеня́ше,/ и глас слы́шашеся свѣ́ше от Отца́ Свѣтов, глаго́лющ:/ Сей есть Сын Мой возлю́бленный, Того́ послу́шайте.

Песнь 4

Канон предпразднства Преображѣния. Глас 4.

Ирмос, глас 4: Седя́й в слáве на престóле Божества́,/ во о́блаце лѣгце/ при́иде Иисýс Пребожѣ́ственный/ Нетлѣ́нною Длáнию и спасѣ́ зовúщия:// слáва, Христѣ́, сі́ле Твое́й.

Припев: Сла́ва Тебѣ́, Бóже на́ш, сла́ва Тебѣ́.

Небѣ́сный лик с земнýми рáдуется и предпраздну́ет Светода́вца сия́ние,/ Ё́же несказáнно облиста́ет, изменя́я челове́ческий зрак на Фавóре,/ якоже благово́ли.

Припев: Сла́ва Тебѣ́, Бóже на́ш, сла́ва Тебѣ́.

Богочелове́чным пришѣ́ствием челове́ком прибли́жився,/ чудѣ́с зарёю мир та́йно просвети́л еси́,/ блиста́ющеюся же слáвою Божества́ просія́л еси́ на Фавóре непристúпным Свѣ́том.

Припев: Сла́ва Тебѣ́, Бóже на́ш, сла́ва Тебѣ́.

Иисýс, Нави́н сын, пѣ́рвее со́лнце уста́ви, прообразу́я день Божѣ́ственныхъ стра́сти,/ Сам же, Спа́се, прѣ́жде Честна́го Креста́ Твоего́, сия́ния скры́л еси́ со́лнца/ заря́ми Божѣ́ственными лица́ Твоего́.

Канон мученика Евсигнія. Глас 8.

Припев: Святы́й мучени́че Евсигни́е, моли́ Бо́га о на́с.

Дремáние отрѣ́нув уны́ния, мучени́че Евсигни́е,/ бо́дренно к страда́нию несумнѣ́нною вѣрою дерзну́л еси́.

Припев: Святы́й мучени́че Евсигни́е, моли́ Бо́га о на́с.

18 августа 2026. Вторник. Предпразднство Преображения Господня.
Мч. Евсигнія.

О Господе Спасе твоём, мучениче, радуясь, досточудне,/ муки телесныя,
яко пищу сладку, ты вменил еси.

Слава Отцү, и Сыну, и Святому Духу, и ныне, и присно, и во веки веков.
Аминь.

Песнь 5

Канон предпразднства Преображения. Глас 4.

Ирмос, глас 4: Ужасошася всяческая/ о Божественней славе
Твоей:/ Ты бо, Неискусобрачная Деву,/ имела еси во утробе
над всеми Богом/ и родила еси Безлётнаго Сына,/ всем
воспевающим Тя// мир подавающая.

Припев: Слава Тебе, Боже наш, слава Тебе.

Христу, радующеся, верно последуем:/ се бо идет к горе, ученики лучшие
с Собой ведый,/ пред нимиже неприступною добротой возсияв паче
солнца,/ показав славу Свою.

Припев: Слава Тебе, Боже наш, слава Тебе.

Да просветится днесь небо светлейше восходом, еже к горе,/ отонудуже
облистает Христос неприступным Светом,/ солнечныя лучи славою
Божества омрачая, яко света Податель.

Припев: Слава Тебе, Боже наш, слава Тебе.

Таинство показав Христос учеником на Фаворе, просияв паче зари лицом,
одеждою же риз Своих убелився светло, яко снег,/ одевайся, яко ризою,
светом псаломски.

Канон мученика Евсигнія. Глас 8.

Припев: Святыи мучениче Евсигние, моли Бога о нас.

Искренно прилепляясь, премудре, Владыце,/ себе удалил еси от лукав-
ствия, Евсигние.

Припев: Святыи мучениче Евсигние, моли Бога о нас.

Мертвым капищем чести не принёс еси, Богоносе,/ Бога жива, Господа
на Небесех ведый.

Слава Отцү, и Сыну, и Святому Духу, и ныне, и присно, и во веки веков.
Аминь.

Песнь 6

Канон предпразднства Преображения. Глас 4.

Ирмос, глас 4: Божественное сие и всечестное/
совершающе празднество,/ Богомудрии, Богоматере,/
приидите, руками восплещим,// от Нея рождаемого Бога
славим.

Припев: Слава Тебё, Боже наш, слава Тебё.

Чертог славы будущия радости другом готоя,/ восходит на гору
Христос,/ к житию Небесному от жизни, долу влекущая, возводя их.

Припев: Слава Тебё, Боже наш, слава Тебё.

Удивляя разум Христос учеников, небесное на земли сияние облистá,/
закон и пророков раболепно представляя начальники,/ имиже мёртвым и
живым свидетельствуется Бог.

Припев: Слава Тебё, Боже наш, слава Тебё.

Светильник явиться ныне грядёт, Христос,/ в тёмном месте сиянием
Божественного блистания,/ Егоче к сиянию идем, прямо лицу Его раду-
ющиеся.

Канон мученика Евсигнія. Глас 8.

Припев: Святы́й мучениче Евсигни́е, моли́ Бога о нас.

Разумения истинная в сердцах благородными положи́ образы,/ не невёдый
разумения, блаженне, вражия, на судище поте́кл еси́/ и погуби́л еси́ крест-
ным всеоружием сего́ воинство.

Припев: Святы́й мучениче Евсигни́е, моли́ Бога о нас.

Демонов служителие, служителя́ тя Трои́це разуме́вше,/ му́кам, и темни-
цам, и непра́ведней сме́рти преда́ют, мучениче Евсигни́е,/ но побежда́ют-
ся твои́м непобеди́мым сопроти́влением, пребога́те.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в.
Ами́нь.

Катавасия

Ирмос, глас 8: Моли́тву проли́ю ко Го́споду/ и То́му возвещу́
печа́ли моя́,/ я́ко зол ду́ша моя́ испо́лнися/ и живо́т мой а́ду

18 августа 2026. Вторник. Предпразднство Преображения Господня.
Мч. Евсигнія.

**приблѣжися,/ и молюся, яко Іона:// от тли, Бóже, возведѣ
мя.**

Ектения малая

Диакон: Пáки и пáки, мѣром Гóсподу помóлимся.

Лик: Гóсподи, помѣлуй.

Диакон: Заступѣ, спасѣ, помѣлуй и сохрани нас, Бóже, Твоею благодáтию.

Лик: Гóсподи, помѣлуй.

Диакон: Пресвятую, Пречѣстную, Преблагословенную, Славную Владѣчицу нáшу Богорóдицу и Приснодѣву Марію со всѣми святыми помяну́вше, сáми себѣ и друг дру́га, и весь живóт наш Христу́ Бóгу преда́дим.

Лик: Тебѣ, Гóсподи.

Священник: Яко Твоя держа́ва, и Твое есть цáрство, и сѣла, и сла́ва, Отца́ и Сы́на и Свята́го Дúха, ныне, и прѣсно, и во вѣки веко́в.

Лик: Ами́нь.

Кондак

Конда́к предпра́зднства Преображе́ния

Глас 4: Божѣственным днесь преображе́нием/ челове́ческое все естество́ просиява́ет божѣственно, в весѣлии зовúщее:/ преобразúется Христóс, спаса́яй вся.

Икос: Преображе́нием Божѣственным зрак наш, ѣже дрѣвле тлѣнием рас-
тлѣнный/ во áдовых сокрóвищах праотца Ада́ма,/ днесь Зиждѣтель из тли
возведѣ, обожа́ет наш ра́зум,/ пребывáет же Бог вкúпе и Челове́к,/ естества́ кáяждо соединѣна нося́ непрелóжна же и нераздѣльна./ Тѣмже
ны́не на Фавóре несказáнно сияет/ и из всея́ плóти да́ет лучѣ́ Божества́
Своего́, просвещáя вопиúщия:/ преобразúется Христóс, спаса́яй всех.

Песнь 7

Канóн предпра́зднства Преображе́ния. Глас 4.

Ирмос, глас 4: Не послужи́ша твáри Богомúдрии/ пáче
Созда́вшаго,/ но, óгненное прещѣ́ние мýжески попра́вше,/

ра́довахуся, пою́ще:// препе́тый отце́в Госпо́дь и Бог,
благослове́н еси́.

Припев: Сла́ва Тебе́, Бо́же на́ш, сла́ва Тебе́.

К преложе́нию от земли́, на вы́соту восходя́щему, учени́к избра́нию по-
сле́дуем,/ Христо́во смотре́юще стра́нное видёние./ Уди́вльшеся же с ни-
ми, возопи́ем:/ Бо́же, благослове́н еси́.

Припев: Сла́ва Тебе́, Бо́же на́ш, сла́ва Тебе́.

Оскве́рншееся очи́стил еси́ естество́ челове́ческое водо́ю же и огне́м,/ Твое́ю плоти́ю сего́ све́тлость показу́еши, Спа́се,/ лице́м Твои́м просия́в па́че со́лнца во о́браз бу́дущия сла́вы.

Припев: Сла́ва Тебе́, Бо́же на́ш, сла́ва Тебе́.

Взы́дем со Христо́м на го́ру святу́ю,/ возводя́щим Зеведе́евы сы́ны и
Петра́ лу́чшаго,/ ихже избра́ сла́ве Свое́й свиде́тели, зову́щия:/ Бо́же,
благослове́н еси́.

Кано́н му́ченика Евсигни́я. Глас 8.

Припев: Святы́й му́чениче Евсигни́е, моли́ Бо́га о на́с.

Кровьми́, му́чениче, излия́нными любве́ ра́ди Христа́ вопло́щагося,/ про-
свети́в твою́ ду́шу, к Сему́ преста́вился еси́, вопия́, раду́ясь:/ Бо́же, благо-
словен еси́.

Припев: Святы́й му́чениче Евсигни́е, моли́ Бо́га о на́с.

Горя́ любо́вию Спа́са, избежа́л еси́ про́пасти нече́стия/ и зи́му лю́тых
претерпе́л еси́ мук, зыва́я, Евсигни́е:/ Бо́же, благослове́н еси́.

Сла́ва Отцу́, и Сы́ну, и Свято́му Ду́ху, и ны́не, и при́сно, и во ве́ки веко́в.
Ами́нь.

Песнь 8

Кано́н предпра́зднства Преображе́ния. Глас 4.

Ирмос, глас 4: О́троки благоче́стивыя в пещи́/ Рожде́ство
Богоро́дичо спасло́ есть,/ тогда́ у́бо образу́емое,/ ны́не же
де́йствуемое,/ вселе́нную всю́ воздвиза́ет пе́ти Тебе́:/
Го́спода по́йте, дела́,// и превозно́сите Его́ во вся ве́ки.

Припев: Сла́ва Тебе́, Бо́же на́ш, сла́ва Тебе́.

18 августа 2026. Вторник. Предпразднство Преображения Господня.
Мч. Евсигнія.

Кто не удивится, Всецарю славы, великолéпию славы Твоея,/ в неже пре-
обра́жся, показáл еси́ другóм Тво́им,/ Божéственными светлостьмí обли-
ста́в их?/ С ними́же предпразднующих véрою уясни́ Свéтом Тво́им нас, Ты
пою́щих.

Припев: Сла́ва Тебé, Бо́же на́ш, сла́ва Тебé.

Высоту́ Небéснаго жити́я и сла́вы присносущны́я Божéственное сия́ние
да́руй рабо́м Тво́им,/ ны́не предпразднующим Твоего́ преобра́жения свéт-
лое торжество́,/ в неже Свет облистáя, уясня́еши Ты воспева́ющия, Христé
Светода́вче.

Припев: Сла́ва Тебé, Бо́же на́ш, сла́ва Тебé.

Госпо́дня свéтлаго преобра́жения настоя́щий день облистáв,/ мíрови по-
велева́ет вопи́ти:/ вся дела́, по́йте и превозно́сите Егó во ве́ки.

Припев: Сла́ва Тебé, Бо́же на́ш, сла́ва Тебé.

Мы́слию, ве́рнии, прииди́те,/ по́йдем к горе́ святéй ви́дети преобра́жение
Христо́во всесвéтлое:/ вся бо просвещáет, славосло́влящия сиé во ве́ки.

Кано́н мученика Евсигнія. Глас 8.

Припев: Святýй мучениче Евсигни́е, моли́ Бо́га о на́с.

Щито́м, всеблаже́нне, благоче́стия всю́ду огражда́емь,/ беззакóннующия
победи́л еси́ благода́тию, поя́ непреста́нно:/ благослови́те, вся дела́
Госпо́дня, Го́спода.

Припев: Святýй мучениче Евсигни́е, моли́ Бо́га о на́с.

Внегда́ скорбе́ти тебé, к Бо́гу воззва́л еси́ Благоде́телю,/ и услы́ша тебé, и
от лю́тых изба́ви тя, вопи́юща:/ благослови́те, вся дела́ Госпо́дня,
Го́спода.

Благослови́м Отца́ и Сы́на и Свята́го Ду́ха, Го́спода, и ны́не, и прісно, и
во ве́ки веко́в. Ами́нь.

Припев: Хва́лим, благослови́м, покланя́емся Го́сподеви,
пою́ще и превозно́сяще во вся ве́ки.

Катавасия

Ирмос, глас 8: Победи́тели мучи́теля и пла́мене/
благода́тию Твоéю бывше,/ за́поведем Тво́им зело́

прилежаще,/ ѓтроцы вопіяху:// благословіте, вся дела́
Госпо́дня, Го́спода.

Диакон: Богоро́дицу и Мате́рь Све́та в пе́снях возвели́чим.

Песнь Пресвятыя Богородицы

Лик: Вели́чит душá Моя́ Го́спода, и возра́довася дух Мой о
Бо́зе Спа́се Моём.

Припев: Честне́йшую Херувім и сла́внейшую без сравне́ния
Серафім, без ислéния Бо́га Сло́ва ро́ждшую, су́щую
Богоро́дицу, Тя велича́ем.

Яко призре́ на смире́ние Рабы́ Своея́, се бо от ны́не ублажа́т
Мя вси ро́ди.

Припев: Честне́йшую Херувім и сла́внейшую без сравне́ния
Серафім, без ислéния Бо́га Сло́ва ро́ждшую, су́щую
Богоро́дицу, Тя велича́ем.

Яко сотвори́ Мне вели́чие Си́льный, и свя́то імя Его́, и
ми́лость Его́ в ро́ды родо́в боя́щимся Его́.

Припев: Честне́йшую Херувім и сла́внейшую без сравне́ния
Серафім, без ислéния Бо́га Сло́ва ро́ждшую, су́щую
Богоро́дицу, Тя велича́ем.

Сотвори́ держа́ву мы́шцею Своёю, расточи́ го́рдые мы́слию
се́рдца их.

Припев: Честне́йшую Херувім и сла́внейшую без сравне́ния
Серафім, без ислéния Бо́га Сло́ва ро́ждшую, су́щую
Богоро́дицу, Тя велича́ем.

Низложі сільныя со престол, и вознесé смиренныя;
áлчуция испóлни благ, и богатящияся отпусти́ тщи.

Припев: Честнѣйшую Херувім и слáвнейшую без сравнѣния
Серафѣм, без ислѣния Бóга Сло́ва рóждшую, сущую
Богорóдицу, Тя велича́ем.

Воспри́ят Изра́иля óтрока Своегó, помяну́ти мѣлости, я́коже
глагóла ко отцѣм на́шим, Авра́аму и сѣмени егó да́же до
вѣка.

Припев: Честнѣйшую Херувім и слáвнейшую без сравнѣния
Серафѣм, без ислѣния Бóга Сло́ва рóждшую, сущую
Богорóдицу, Тя велича́ем.

Песнь 9

Канон предпразднства Преображения. Глас 4.

Ирмос, глас 4: Всяк земнорóдный/ да възигра́ется, Духом
просвещáемь,/ да торжествует же Безплóтных умóв
естествó,/ почита́ющее священное торжество́ Богомáтере,/ и
да вопи́ет:/ ра́дуйся, Всеблаже́нная, Богорóдице,// Чѣстая
Присноде́во.

Припев: Сла́ва Тебѣ, Бóже наш, сла́ва Тебѣ.

Ра́дуйся, не́бо, от земли́ возсия́ющаго ны́не провѣдый, Со́лнца Незаходи́-
маго,/ и сла́вою Божѣственною покрѣ́ти хотя́щаго со́лнечныя свѣтлости;/
земля́ же да ликует свѣ́тло,/ Небѣсною зарѣю и свѣтлостію сия́ющи и
свет быва́ющи.

Припев: Сла́ва Тебѣ, Бóже наш, сла́ва Тебѣ.

По́я Дави́д Твое́ преображе́ние, предвозгласи́:/ кто уподо́бится Тебѣ,
Го́сподеви, глагóля, в сынѣх Бóжиих?/ Ты бо, прославля́ясь в совѣ́тах
святѣ́х, вели́к яви́лся еси́ сущим о́крест Тебѣ,/ стра́шен в сла́ве
Божѣственного зра́ка.

18 августа 2026. Вторник. Предпразднство Преображения Господня.
Мч. Евсигнія.

Припев: Сла́ва Тебе́, Бо́же на́ш, сла́ва Тебе́.

Сей первово́дный день/ Твоего́, Христе́, творя́ще пресла́внаго и все-
све́тлаго преображе́ния,/ пе́снями Тя велича́ем.

Припев: Сла́ва Тебе́, Бо́же на́ш, сла́ва Тебе́.

Усе́рдно, ве́дяще сла́вное преображе́ние Госпо́дне,/ оза́рим духо́вно
помышле́ния на́ша, си́е велича́юще.

Кано́н му́ченика Евсигни́я. Глас 8.

Припев: Святы́й му́чениче Евсигни́е, моли́ Бо́га о на́с.

Кре́постию, му́чениче, Христóвою некрéпкого врага́ умертвил еси́, возно-
сяща́гося/ и сýетно войстинну ны́не шата́юща́гося,/ и ме́чному усечéнию
главу́ преклонил еси́,/ и освятил еси́ кро́вным течéнием зéмлю всю.

Припев: Святы́й му́чениче Евсигни́е, моли́ Бо́га о на́с.

Я́ко украше́ние всех страда́льцев, я́ко му́чеников красота́, Евсигни́е,/ я́ко
столп непоколебим Цéркве, я́ко огражде́ние благочестивых прея́вствен-
но,/ я́ко Божéственная ле́пота притека́ющих к тебе́,/ я́ко все́светлая звез-
да́, ублажил́ся еси́.

Сла́ва Отцу́, и Сы́ну, и Свято́му Ду́ху, и ны́не, и прісно, и во ве́ки веко́в.
Ами́нь.

Катавасия

Ирмос, глас 4: Устраши́ся всяк слух/ неизрече́нна Бо́жия
снизхожде́ния,/ я́ко Вы́шний во́лею сніде да́же и до плóти,/
от деві́ческаго чре́ва быв Чело́век.// Те́мже Пречи́стую
Богоро́дицу, ве́рнии, велича́ем.

Малая ектения

Диакон: Па́ки и па́ки ми́ром Го́споду помо́лимся.

Лик: Го́споди, помілуй.

Диакон: Заступи́, спаси́, помілуй и сохрани́ нас, Бо́же, Твое́ю благода́тию.

Лик: Го́споди, помілуй.

Диакон: Пресвяту́ю, Пречи́стую, Преблагослове́нную, Сла́вную Влады́чицу
нашу Богоро́дицу и Присноде́ву Мари́ю, со все́ми святы́ми помяну́вше, са́ми
себе́ и друг дру́га, и весь живо́т наш Христу́ Бо́гу преда́дим.

Лик: Тебѣ, Господи.

Священник: Яко Тя хвалят вся Силы Небесныя, и Тебѣ славу возсылаем, Отцѹ, и Сыну, и Святому Духу, ныне и присно, и во веки веков.

Лик: Аминь.

Светильны

Небо создавый и звездам свет вложивый, днесь на гору Фаворскую возшед,/ освещает ученики зарю Божества Своего.

Слава Отцѹ, и Сыну, и Святому Духу и ныне, и присно, и во веки веков. Аминь.

Днесь на Фаворе Христос Свет облистá,/ днесь свѣше шум, глас Отѣч, услышан бысть:/ Сей есть, вопия, Сын возлюбленный Мой.

Хвалитны

Псалом 148

Чтец: Хвалите Господа с Небес. Тебѣ подобает песнь Бóгу. Хвалите Господа с Небес, хвалите Егó в вѣшних. Тебѣ подобает песнь Бóгу. Хвалите Егó, вси Ангели Егó, хвалите Егó, вся Силы Егó. Тебѣ подобает песнь Бóгу. Хвалите Егó, солнце и луна, хвалите Егó, вся звѣзды и свет. Хвалите Егó, небеса небес, и вода, яже превѣше небес, да восхвалят имя Господне. Яко Той рече, и быша, Той повеле, и создашася. Поста́ви я в век и в век вѣка, повелѣние положи, и не мимо идет. Хвалите Господа от земли, змиеве и вся бездны, огонь, град, снег, голо́ть, дух бурен, творящая слово Егó, горы и вси холмы, дре́ва плодоносна и вси ке́дри, зѣрие и вси скóти, га́ди и пт́ицы перна́ты, ца́рие зѣмстии и вси лю́дие, кня́зи и вси судии зѣмстии, юноши и дѣвы, ста́рцы с юнотами да восхвалят имя Господне, яко вознесѣся имя Того́ Еди́наго. Исповѣдание Егó на земли и на Небесѣ, и вознесѣт рог люде́й Свои́х. Песнь всем преподо́бным Егó, сыновомъ Изра́иловым, лю́дем, приближа́ющимся Ему́.

Псалом 149

Воспойте Господеви песнь но́ву, хвалѣние Егó в цѣркви преподо́бных. Да возвеселѣтся Изра́иль о сотворшем егó, и сынове Сио́ни возра́дуются о Царе́ своемъ. Да восхвалят имя Егó в лице, в тимпа́не и псалти́ри да пою́т Ему́. Яко благоволи́т Господь в лю́дех Свои́х и вознесѣт кро́ткия во спасѣ́ние. Восхва́лятся преподо́бнии во сла́ве и возра́дуются на ло́жах

своих. Возношения Божия в гортани их, и мечи обоюду остры в руках их: сотворити отмщение во языцех, обличения в людех, связати цари их пúты, и славныя их ручными окóвы желéзными.

На 6: Сотворити в них суд написан, слава сия будет всем преподóбным Его.

Псалом 150

Хвалите Бóга во святых Его, / хвалите Его во утвержении силы Его.

На 4: Хвалите Его на силах Его, / хвалите Его по мнóжеству величества Его.

Хвалите Его во гласе трубнем, / хвалите Его во псалтири и гúслех.

Хвалите Его в тимпане и лице, / хвалите Его во струнах и органе.

Хвалите Его в кимвáлех dobroгласных, хвалите Его в кимвáлех восклицáния. / Всякое дыхáние да хвалит Гóспода.

Слава Отцú, и Сыну, и Святому Дúху, и ныне, и прísно, и во вéки веков. Амíнь.

Тебе слава подобáет, Гóсподи Бóже наш, и Тебе славу возсылаем, Отцú и Сыну и Святому Дúху, ныне и прísно, и во вéки веков. Амíнь.

Чтец: Слава Тебе, Показáвшему нам свет.

Славословие всedневное

Слава в вышних Бóгу, и на земли мир, в человецех благоволение. Хвалим Тя, благословим Тя, клáняем Ти ся, славословим Тя, благодарим Тя, великия ради славы Твоея. Гóсподи Царю Небесный, Бóже Отче Вседержителю, Гóсподи, Сыне Единорóдный, Иисúсе Христé, и Святы́й Дúше. Гóсподи Бóже, Агнче Бóжий, Сыне Отéчь, взéмляй грех мíра, помíлуй нас; взéмляй грехи мíра, приими́ молитву на́шу; седя́й одесну́ю Отца́, помíлуй нас. Яко Ты еси́ един Свят, Ты еси́ еди́н Госпóдь, Иисúс Христóс, в славу Бóга Отца́, Амíнь.

На всяк день благословлю́ Тя и восхвалю́ имя Твое́ во вéки и в век вéка.

Гóсподи, Прибéжище был еси́ нам в род и род. Аз рех: Гóсподи, помíлуй мя, исцели́ дúшу мою́, я́ко согреших Тебе́. Гóсподи, к Тебе́ прибегóх, научи́ мя творити волю́ Твою́, я́ко Ты еси́ Бог мой; я́ко у Тебе́ истóчник животá, во свéте Твоем́ узрим свет. Пробáви мíлость Твою́ вéдущим Тя.

Таже: Сподóби, Гóсподи, в день сей без грехá сохранитися нам. Благословéн еси́, Гóсподи Бóже отéц на́ших, и хвáльно и прослáвлено имя Твое́ во вéки. Амíнь.

18 августа 2026. Вторник. Предпразднство Преображения Господня.
Мч. Евсигнія.

Буди, Господи, милость Твоя на нас, якоже уповахом на Тя. Благословен еси, Господи, научи мя оправданием Твоим. Благословен еси, Владыко, вразуми мя оправданием Твоим. Благословен еси, Святыи, просвети мя оправдания Твоими.

Господи, милость Твоя во век, дел руку Твоею не презри. Тебе подобает хвала, Тебе подобает пение, Тебе слава подобает, Отцу и Сыну и Святому Духу, ныне и присно и во веки веков. Аминь.

Ектения просительная

Диакон: Исполним утреннюю молитву нашу Господеву.

Лик: Господи, помилуй.

Диакон: Заступи, спаси, помилуй и сохрани нас, Боже, Твоею благодатью.

Лик: Господи, помилуй.

Диакон: Дне всего совершенна, свята, мирна и безгрешна у Господа просим.

Лик: Подай, Господи. (на каждое прошение)

Диакон: Пресвятую, Пречистую, Преблагословенную, Славную Владычицу нашу Богородицу и Приснодеву Марию со всеми святыми помянувшие, сами себе и друг друга, и весь живот наш Христу Богу предадим.

Лик: Тебе, Господи.

Священник: Яко Бог милости и щедрот и человеколюбия еси, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

Священник: Мир всем.

Лик: И духови твоему.

Диакон: Главы наша Господеву приклоним.

Лик: Тебе, Господи.

Священник: Твое бо есть, еже миловати и спасати ны, Боже наш, и Тебе славу возсылаем, Отцу и Сыну и Святому Духу, ныне и присно и во веки веков.

Лик: Аминь.

Стихиры на стиховне

18 августа 2026. Вторник. Предпразднство Преображения Господня.
Мч. Евсигнія.

Предпразднство Преображения Господня на 3

Канонарх: Глас 1, Пресвятаго славнаго преображения.

Пресвятаго славнаго преображения/ предсрѣтение творяще
в настоящій день,/ Христа славословим,/ наше огнём Божества/
преобразивша естество// и якоже прежде нетлѣнием
облиставша.

Стих: Милость и истина сретѣются./

Лик: правда и мир облобызастся.

На святую гору, приидите, взыдем,/ и всесветлое пре-
ображение/ верою узрим Господне,/ Тому верно поклоня-
ющемся, и глаголем:/ Ты Бог един еси, воплощся// и обожив
человѣчество.

Стих: Господи, во свете лица Твоего пойдём./

Лик: и о имени Твоем возрадуемся во веки.

Сей есть день предпразднственный,/ воньже преобразуется
Христос,/ сущим с Ним Моисею и Илиї/ и Его учеником на
горе Фаворстей,/ гласу такову глаголющу:// Сей есть вои-
стинну избранный Мой Сын.

Слава и ныне, глас 5: Слава Отцу, и Сыну, и Святому Духу.

И ныне, и присно, и во веки веков. Аминь.

Закона и пророков/ Тя, Христѣ, Творца и Исполнителя
свидѣтельствоваша,/ зряще во облаце,/ Моисей Боговидец
и Илия огнеколесничник/ и неопальный небошественник,/ в
преображении Твоем./ С нимиже и нас просвещения Твоего
сподоби, Владыко,// пѣти Тя во веки.

18 августа 2026. Вторник. Предпразднство Преображения Господня.
Мч. Евсигнія.

Чтец: Благо есть исповѣдаться Гóсподеви, и пѣти Имени Твоемú, Вѣш-
ний: возвещати заúтра мѣлость Твою, и истину Твою на всяку ночь.

Святýй Бóже, Святýй Крѣпкий, Святýй Безсмѣртный, помѣлуй нас **(три-
жды)**.

Слáва Отцú и Сýну и Святóму Дúху, и ны́не и прѣсно и во вѣки веко́в.
Амѣнь.

Пресвятáя Трóице, помѣлуй нас; Гóсподи, очѣисти грехѣ нáша; Владýко,
простѣ беззакóния нáша; Святýй, посетѣ и исцелѣ нѣмощи нáша, имене
Твоегó рáди.

Гóсподи, помѣлуй **(трижды)**.

Слáва Отцú, и Сýну, и Святóму Дúху, и ны́не, и прѣсно, и во вѣки веко́в.
Амѣнь.

Отче наш, Иже еси́ на Небесѣх! Да святѣтся и́мя Твое́, да при́дет Цáр-
ствие Твое́, да бúдет во́ля Твоя́, я́ко на Небесѣ, и на землѣ. Хлеб наш на-
сýщный даждь нам днесь; и оставѣ нам дóлги нáша, я́коже и мы остав-
ляем должникóм нáшим; и не введѣ нас во искушѣние, но избáви нас от
лукáваго.

Священник: Я́ко Твое́ есть Цáрство и сѣла, и слáва, Отцá, и Сýна, и Святáго
Дúха, ны́не и прѣсно, и во вѣки веко́в. Амѣнь.

Лик: Амѣнь.

Тропари в конец Утрени

Тропа́рь предпра́зднства Преображе́ния

Глас 4: Христóво преображе́ние предусря́щем,/ свѣтло
торжествúюще предпра́зднственная, вѣрнии, и возопи́м:/
приспѣ день Божѣственнаго весѣлия:/ восхóдит на гóру
Фавóрскую Владýка,// Божества́ Своегó облистáти красотú.

Сугубая ектения

Диакон: Помѣлуй нас, Бóже, по вели́цей мѣлости Твое́й, мо́лим Ти ся, услы́ши
и помѣлуй.

Лик: Гóсподи, помѣлуй **(трижды)**.

Диакон: Ещѣ мо́лимся о Вели́ком Господѣне и Отцѣ нáшем Святѣйшем Патри-
áрхе Кирилле, и всей во Христѣ бра́тии нáшей.

Лик: Гóсподи, помíлуй (*трижды*). (на каждое прошение)

Священник: Яко Мíлостив и Человеколю́бец Бог есí, и Тебé сла́ву возсыла́ем, Отцú и Сы́ну и Свято́му Ду́ху, ны́не и прíсно и во ве́ки веко́в.

Лик: Ами́нь.

Диакон: Прему́дрость.

Лик: Благословí.

Священник: Сый благословéн Христóс, Бог наш, всегда́, ны́не и прíсно, и во ве́ки веко́в.

Лик: Ами́нь. Утверди́, Бо́же, святу́ю правосла́вную ве́ру, правосла́вных христиа́н во ве́к ве́ка.

1-й час

Чтец: Приидите, поклонímся Царéви нашему́ Бо́гу.

Приидите, поклонímся и припадём Христú, Царéви нашему́ Бо́гу.

Приидите, поклонímся и припадём Самому́ Христú, Царéви и Бо́гу нашему́.

Псалом 5

Глаго́лы моя́ внуши́, Гóсподи, разумéй зва́ние моё. Вонми́ гласу́ моле́ния моего́, Царю́ мой и Бо́же мой, яко́ к Тебé помолю́ся, Гóсподи. Зау́тра услы́ши глас мой, зау́тра предста́ну Ти, и у́зриши мя. Яко́ Бог не хотя́й беззако́ния, Ты есí: не приселíтся к Тебé лука́внуяй, ниже́ пребу́дут беззако́нницы пред очíма Твои́ма: возненави́дел есí вся де́лающыя беззако́ние. Погуби́ши вся глаго́лющыя лжу: му́жа крове́й и льсти́ва гнуша́ется Госпо́дь. Аз же мно́жеством мíлости Твоея́, вни́ду в дом Твой, поклоню́ся ко хра́му свято́му Твоему́, в стра́се Твоём. Гóсподи, наста́ви мя пра́вдою Твоею́, враг мо́их ра́ди испра́ви пред Тобо́ю путь мой. Яко́ несть во устéх их и́стины, се́рдце их суетно, гроб отве́рст гортáнь их: язы́ки свои́ми льща́ху. Суди́ им, Бо́же, да отпадúт от мы́слей свои́х, по мно́жеству нечестия́ их изри́ни я́, яко́ преогорчи́ша Тя, Гóсподи. И да возвеселя́тся вси упова́ющи на Тя, во век возра́дуются, и всели́шися в них, и похва́лятся о Тебé любя́щими и́мя Твое́. Яко́ Ты благослови́ши пра́ведника, Гóсподи: яко́ ору́жием благоволе́ния венча́л есí нас.

Псалом 89

Господи, прибежище был еси нам в род и род. Прежде даже горам не быти и создаться земли и вселенней, и от века и до века Ты еси. Не обрати человека во смирение, и рекл еси: обратитесь, сынове человечества. Яко тысяща лет пред очима Твоима, Господи, яко день вчерашний, иже мимоиде, и стража ночная. Уничужения их лета будут. Утро яко трава мимоидет, утро процветет и прейдет: на вечер отпадет ожестеет и исхнет. Яко исчезохом гневом Твоим, и яростию Твоею смутихомся. Положил еси беззакония наша пред Тобою: век наш в просвещение лица Твоего. Яко вси дние наши оскудеша, и гневом Твоим исчезохом, лета наша яко паучина поучахуся. Дние лет наших, в нихже седьдесят лет, аще же в силах, осьмьдесят лет, и множае их труд и болезнь: яко прииде кротость на ны, и накажемся. Кто весть державу гнева Твоего, и от страха Твоего, ярость Твою исчерсти? Десницу Твою тако скажи ми, и окованныя сердцем в мудрости. Обратися, Господи, доколе? И умолен буди на рабы Твоя. Исполнихомся завтра милости Твоея, Господи, и возрадовахомся, и возвеселихомся, во вся дни наша возвеселихомся, за дни в няже смирил ны еси, лета в няже видехом злая. И призри на рабы Твоя, и на дела Твоя, и настави сыны их. И буди светлость Господа Бога нашего на нас, и дела рук наших исправи на нас, и дело рук наших исправи.

Псалом 100

Милость и суд воспою Тебе, Господи. Пою и разумю в пути непорочно, когда приидеши ко мне? Прехождаях в незлобии сердца моего посреде дому моего. Не предлагал пред очима моими вещь законопреступную: творящая преступление возненавидел. Не прильпел мне сердце строптиво, уклоняющегося от мене лукаваго не познах. Оклеветавшего тай искреняго своего, сего изгонял: гордым оком, и несатым сердцем, с сим не ядях. Очи мои на верныя земли, посадати я со мною: ходяй по пути непорочно, сей ми служаше. Не живяше посреде дому моего творяй гордыню, глаголяй неправедная, не исправляше пред очима моими. Во утрия избивах вся грешныя земли, еже потребити от града Господня вся делающыя беззаконие.

Слава Отцу и Сыну и Святому Духу, и ныне и присно и во веки веков. Аминь. Аллилуиа, аллилуиа, аллилуиа, слава Тебе Боже. (Трижды)

Господи, помилуй. (Трижды)

Слава Отцу, и Сыну, и Святому Духу.

Тропари

Тропарь предпразднства Преображения, глас 4

Христово преображение предусрящем,/ светло торжествующе
предпразднственная, вѣрнии, и возопийм:/ прispе день Божественнаго
весѣлія:/ восходит на гору Фаворскую Владыка,/ Божества Своего обли-
стати красоту.

Чтец: И ныне, и присно, и во веки веков. Аминь.

Богородичен: Что Тя наречѣм, о Благодѣтная? / Небо, яко возсияла еси
Солнце Правды. / Рай, яко прозяблѣ еси цвет нетлѣния. / Дѣву, яко пре-
былѣ еси нетлѣнна. / Чистую Матерь, яко имѣла еси на святыхъ Твоихъ
объятіяхъ Сына, всехъ Бога. / Того моли спастися душамъ нашимъ.

Стопы моя направи по словеси Твоему / и да не обладает мною всякое
беззаконіе.

Избави мя от клеветы человеческия, / и сохранию заповеди Твоя.

Лице Твое просвети на раба Твоего / и научи мя оправданиемъ Твоимъ.

Да исполнятся уста моя хваления Твоего, Господи, / яко да воспою славу
Твою, / весь день великолѣпіе Твое.

Святый Боже, Святый Крепкий, Святый Безсмертный, помилуй нас. **(Три-
жды, с крестнымъ знаменіемъ и пояснымъ поклономъ)**

Слава Отцу и Сыну и Святому Духу, и ныне и присно и во веки вековъ.
Аминь.

Пресвятая Троице, помилуй нас; Господи, очисти грехи наша; Владыко,
прости беззаконія наша; Святый, посети и исцели немощи наша, имене
Твоего ради.

Господи, помилуй. **(Трижды)**

Слава Отцу и Сыну и Святому Духу, и ныне и присно и во веки вековъ.
Аминь.

Отче наш, Иже еси на небесехъ! Да святится имя Твое, да придетъ Цар-
ствие Твое, да будетъ воля Твоя, яко на небеси и на земли. Хлебъ наш на-
сущный даждь намъ днесь; и остави намъ долги наша, якоже и мы остав-
ляемъ должникомъ нашимъ; и не введи насъ во искушение, но избави насъ отъ
лукаваго.

Священник: Яко Твое есть Царство и сила, и слава Отца и Сына и Святаго
Духа, и ныне и присно и во веки вековъ.

Чтец: Аминь.

Кондакъ предпразднства Преображения, глас 4

Божественным днесь преображением/ человеческое все естество просия-
вает божественно, в веселии зовущее:/ преобразуется Христос, спаса-
я вся.

Господи, помилуй (40 раз).

Иже на всякое время и на всякий час, на Небеси и на земли, покланяемый
и славимый, Христэ Бже, Долготерпеливе, Многомилостиве, Много-
благоутробне, Иже праведныя любяй и грешныя милуяй, Иже вся зовый
ко спасению обещания ради будущих благ. Сам, Господи, прими и наша
в час сей молитвы и исправи живот наш к заповедям Твоим, души наша
освети, телеса очисти, помышления исправи, мысли очисти и избави нас
от всякия скорби, зол и болезней, оградь нас святыми Твоими Ангелы, да
ополчением их соблюдаемыми и наставляемыми, достигнем в соединение ве-
ры и в разум неприступныя Твоея славы, яко благословен еси во веки
веков, аминь.

Господи, помилуй, (Трижды).

Слава Отцу и Сыну и Святому Духу, и ныне и присно и во веки веков.
Аминь.

Честнейшую Херувим/ и славнейшую без сравнения Серафим,/ без истле-
ния Бога Слова рождшую,/ сущую Богородицу, Тя величаем.

Именем Господним благослови, отче.

Священник: Бже, ущедри ны и благослови ны, просвети лице Твое на ны и
помилуй ны.

Чтец: Аминь.

Священник: Христэ, Свете Истинный, просвещающий и освящающий всякого че-
ловека, грядущаго в мир, да знаменается на нас свет лица Твоего, да в нем
узрим Свет Неприступный: и исправи стопы наша к деланию заповедей Твоих,
молитвами Пречистыя Твоея Матере, и всех Твоих святых, аминь.

Лик: Глас 8: Взбранной Воеводе победительная,/ яко избав-
льшеся от злых,/ благодарственная восписуем Ти раби
Твой, Богородице,/ но яко имущая державу непобедимую,/ от всяких нас бед свободи, да зовем Ти; // радуйся, Невесто
Неневестная.

Священник: Слава Тебе, Христэ Бже, упование наше, слава Тебе.

18 августа 2026. Вторник. Предпразднство Преображения Господня.
Мч. Евсигнія.

Лик: Сла́ва Отцу́ и Сы́ну и Свято́му Ду́ху, и ны́не и прісно и во ве́ки веко́в. Ами́нь. Го́споди, поми́луй, **(Трижды)**. Благо-
сло́вї.

Отпуст

Христос Ёстинный Бог наш, моли́твами Пречи́стыя Своея́ Ма́тере, мч. Евсигнія Антиохійскаго, и всех святы́х, поми́луе и спасёт нас, яко Благ и Человеколю́бец.

Многолетие

Лик: Вели́каго господі́на и отца́ на́шего Кири́лла, Святе́йшаго Патриа́рха Моско́вскаго и всея́ Руси́,/ и господі́на на́шего высокопреосвяще́ннейшаго **[или́ преосвяще́ннейшаго]** **імярек,** митрополи́та **[или́ архиепи́скопа, или́ епи́скопа]** его́ **же есть о́бласть,**/ богохрани́мую страну́ на́шу Росси́йскую, вла́сти и во́инство ея́,/ настоя́теля, бра́тию, прихо́жан свята́го хра́ма сего́, и вся правосла́вныя христиа́ны,// Го́споди, сохрани́ их на мно́гая ле́та.